

錢文敏公全集

鳴春小草卷之二

武進錢維城稼軒著

弟維屏

維喬編次

姪

鉞

伯桐

子中銑

致純

校字

恭和

御製載月用舊作秋夜泛湖賦唐文皇爽氣澄蘭沼得  
詩五首元韻

清風吹蒲荷煙渚送微濛舟凌虛空暝色合罔象新  
蛾乍踏浪琉璃滑如掌擊汰東山東遙空首頻仰  
仰首愛圓靈暗魄消已既星榆蟾豈孤岍草蛩猶未出  
塞逾迴光遷地得非貴不見塵寰中齊州一煙氣

煙氣信已澄邊嵐靜相凝如何千頃波光在徑尺冰夜  
午皎晴彩薄霧淡不勝叩弦歌窈窕太清可徐登  
太清去何許溯影蘋花灘水月蕩清氣濛風若吹蘭微  
露洗空宇萬里來澄觀誰知金銀闕復此太古歡  
古歡樂無有碾玉度靈沼西巘色濛濛輪角桂林杪倚  
榭憇珍館烏鵲鳴未了訪道契天心中天夜皎皎

恭和

御製賦得鍾峰落照元韻

萬古一拳秀千峰最上層每當斜日照迴暎夕雲蒸  
景依巘盡餘輝向晚澄暝帆疑欲動煙塔若堪憑石  
化臙脂婦經聽碧落僧暫遊濛汜浴旋迓鬱儀昇遠  
近分

仙掌東西挂綵繒，倘參標月指妙悟，可云能。

恭和

御製恭侍

皇太后觀荷元韻

清漪不愛暑風吹，茜萼敷葩處處宜。十丈仙胎移華井，  
萬枝香蕊繞瑤池。綠雲作蓋隨舟轉，白露成珠待旭遲。  
王母怡顏留勝賞，冰盤還雪藕絲絲。

恭和

御製習射元韻

每將弓矢寄清娛

神武從來孰比模，萬帳傾心聽鳴鏑。千尋飛羽避彎弧。

暫留貫革周官禁早辨穿楊楚語誣金簇黃間誰作賦  
參連剡注各爭殊

御製穿楊說  
極辨國策之誣

恭和

御製習字元韻

天筆垂鴻文揮灑每幾暇紅雲捧奎藻光彩必四射何  
勞飛鳥帖劄子殷勤謝

冲情深慕古臨彷彿動盈架羲獻如有知翹首且驚詫何  
况翰墨流彈棋坐長夏

恭和

御製登四面雲山亭子恭賦

皇祖山高先得月之句元韻

神霄留

聖藻象外擬蓬瀛  
亭角月初上山椒樹未明宇寬蟾有  
約秋近桂先迎舊景標雲漢新遊到玉清霧低遮不滿  
山迴看還晶落落分星影依依識市聲流輝龍塞苑催  
照羽林營傍水誇樓榭騷人空復情

山莊

幾暇親率宿衛習射日以爲常天弧月張候不虛矢仰

見

聖武天縱超越等倫恭紀一章卽恭次

御製習字詩元韻

弧矢威八方嫻習及幾暇况茲賦車攻沙苑愜馳射風

饜驚角張的着如花謝簇簇爭樹候解解豈在架君臣  
各有鵠表正勝無詫氣閒尊俎間自足鎮夷夏

恭和

御製戲題蘭元韻

空谷猶知思美人隨車喜沐露珠新等閒莫被卷施笑  
一寸心留一寸神

恭和

御製依綠齋元韻

靜綠涵幽館清芬滿綺窗苔痕煙漠漠藻影玉淙淙雲  
樹天無際神仙地少雙何須說圖畫并剪剪吳江

恭和

御製荔支元韻三首

荔支百本列 官前閩貢攜來露正鮮  
早向畫圖曾識面得親香色是今年

見說建溪風物好霜枝露顆種家家  
如何嶺外離離實也暎 仙莊朝暮霞

瑪瑙盤中摘幾株日消三百竟何須  
品題陳紫江家綠未信東坡語不誣

恭和

御製立秋日作元韻

豈緣一兩晚相似已過三庚信始明  
鴻影怡歸秋塞近蟬聲初報暮山晴  
詩吟杜甫孤城迴賦就歐陽午夜清



聞得農民歡告語看迎白輅揚  
皇情

恭和

御製雲巘歌元韻

巘何有油油雲香爐不絕生氤氲雲何所巉巖巘迴波  
不斷環嶒嶸幻蒼狗兮化白衣巘之雨兮沾微微凌穹  
窿兮翳華蓋倏而遊兮忽而醉雲中君兮顏正韶巘風  
起兮黯欲消望夫君兮啟西序坐小年兮撫太古像去  
來兮不知雲容容兮澹無爲巘無極兮雲在長逍遙兮  
忘時

恭和

御製草荔支元韻

佳名

錫盆嶺頭芳絕塞仙株  
浥露漿蜀雪慢誇圖  
尚白閩紅休鬪譜傳方

方家紅葉譜中上品也

尹邢恰會殊邦貢  
蘇蔡難知上苑香

十八孃應妬粧束  
胭脂山有鏤雲囊

恭和

御製賦得初日芙蓉元韻

蓮渚迎朝旭紅粧朶朶  
新風微青雀舫煙散綠楊津  
喜對初開鏡仍爲不染身  
襯宜青蓋近映入赤珠勻  
影颺清晨夢香融識淨因  
詩情誰最得謝客信文人

恭和

御製紫玉鞞元韻

紫雲裁管寸涵規幾費良工雕琢爲彩月上弦微有暈  
流虹揮手不教遲鑿璠未許珍同此韋象何當貴若斯  
好向東來瞻寶氣西方今是獻環時

恭和

御製燈詞八首元韻

苑西煙火晚融融五彩旌旛不受風燈事年年如歲事  
繁華愛看十分豐

青鸞乍捧

安輿下錦索華棚次第支要與蟠桃催曉信花開頃刻  
莫教遲

棧詠浮元寫薛濤舊傳韻事勝題糕銀毬別上樽桑樹  
結得葡萄是紫葡萄

四山雷轉應春聲掣地星虹萬目驚更有

宸章飛五色銀花火樹也分榮

好和虞廷紉纓頌光華大地總流膏六街看盡昇平景  
鬪酒燒蘭戶戶豪

攬星繞電作虹樓樓上祥光天際頭雲日重開真不夜  
芙蓉爭放未曾秋

春回絕漠慶從新都作中華踏月人自有龍光通兩戒  
雪山葱嶺失嶙峋

去年扈 蹕山莊夜會獻燈詞頌甫田今日拜

恩叨錫宴摛毫彌自凜承乾

恭和

御製題雪霽捕魚圖元韻

竭來破眼平江清生綃一卷晴飛  
雲飛雲漠漠聞盪漿  
細碎欲動蘆根凌江空雪霽舟  
稍出時或掩映松梢青  
小舟短棹白木榜大艦並下黃  
麻罾魚莊蟹舍復相望  
牽絲插籐交營營得錢沽酒向  
何市槎頭縮項家家烹  
誰人繪此幽絕趣雪餘快展詩  
情增江湖浩浩雪千里  
心清聽得鳴榔聲呵凍欲摹  
衡手生况驚

天藻親吟評何當能事敵王  
詭漁村雪浦頃刻點筆煙  
雲成

恭和

御製上元燈詞元韻八首

爆竹聲中送喜來  
燈光雪影共皚皚  
笙歌處處酬佳節  
和氣元從百歲培

雪月光交燈燭光  
晶瑩大地總輝煌  
祥煙普作和風散  
共卜今年百物昌

魚龍曼衍紛呈幻  
爵馬逡巡迭出奇  
更看銀花開頃刻  
不勞剪綵費才思

繁星來往飛如織  
寶樹繽紛迸作花  
西極降王初入座  
一時瞠目定驚嗟

御園燈火自年年  
照徹瓊瑤萬頃田  
鬪酒燒蘭風俗好

康衢歌吹聽皆然

琉璃寶界看疑畫  
冰雪仙人喚欲應  
珠綴龍頤流不定  
山支鼈背重能勝

欣逢萬有同春節  
卽席還勞

睿思加聞道  
東風到南國  
漁燈田燭亦家家

雲際金錢搖點點  
烟中火樹茁枝枝  
侍臣看遍昇平景  
樂府新翻頌媚茲

恭和

御製二月十三日啟程元韻二首

東巡獨獻武功成  
三捷傳來恰啟程  
萬口歡聲隨吉羽  
一時喜色動行旌

廟謨計日無遺策蕃衆傾心有寸誠便轉朱旗朝  
闕寢春風易水正盈盈

凱奏天山旌旆颺策勲旋待紀旂常清風吉甫專征遠  
淑問臯陶折獄良沙磧匪遙春已遍乾坤雖大賊難藏  
二陵同此垂麻眷歸路還殷覲 耿光

恭和

御製黃新莊元韻

王師懾無外豈惟戒侵陵冒頓已係頸苞蘖胡潛生果  
然夙沙縛半月傳邊庭珠邱曾致虔石馬馳高旌

帝謂敢

宸算容易清妖星告功重祇謁眷此首路程



恭和

御製月元韻

晚峰雲淨吐圓規露洗晴空一眺之近水涼生千帳外  
隨鐘清到五更時遙知歸騎吹蘆管豈有征人折柳枝  
身傍旌門寒不覺瓊樓高處迥如斯

恭和

御製過拒馬河元韻

馬蹄踏冰冰漸輕春隄決溜盤渦生河名拒馬自燕趙  
當年幾度兵車行東流滔滔去不息折戟沉沙不留蹟  
過客誰尋古戰場白草青波望無極秦關漢月都遙矣  
帶水分溝胡不已不見清時億載抱

園陵天馬西徠歌獻此

恭和

御製永慕齋元韻

陵樹當牕見

齋心暫契斯

橋山文子慕豐水武王詒夜靜神應接功成告豈遲鼎  
湖蒸有淚益感

聖人思

恭和

御製恭謁

泰陵元韻

扈 蹕虔趨左屬橐雲開遜仰

寶城高衣冠願未攀髯遂耕鑿

恩曾鼓腹叨一萬里餘今盪滌十三年內舊憂勞得瞻  
原廟藏弓劍霑灑青霄不自操

恭和

御製駐蹕趙北口元韻二首

薄雨輕雲拂旆旌十三橋下水初生何來楚尾吳頭景  
却是燕南趙北程塵外煙波明几席鏡中金翠落軒楹  
捲簾疑對昆湖夜只少西山隔岸呈

亭臺愛寄水雲鄉隄柳林花取次芳日落有人閒放櫂  
月明何處遠聞榔魚知在藻依依樂鳥識來歌款款翔

擬學吳興水村景并收詩意入蒼茫

恭和

御製入山東界元韻

大野連畿甸浮橋度玉聰嶽雲高護極海日近來同沈  
衛波新濶瑯琊稻舊豐果然詩禮地民氣向春融

恭和

御製習射元韻

伏飛扈 蹕盡從東風靜旗門試角弓道在君臣都有  
鶴威傳西北已無戎飛星帶影穿空白畫鼓隨聲墜地  
紅觀者堵牆羣動色果然巧力

聖人同

恭和

御製恩縣城南元韻

風清貝邱道盈野麥抽秧餅餌知堪饜豚蹄亦得將綠  
敷天共遠晴久雨無妨襯 輦平如毯何曾一草傷

恭和

御製夕元韻

行廬向晚傳止蹕高旗大旆來迢遙津河風靜動暮角  
瀛海月上明春宵露沾眞兒恩在縣雲影不睹城名聊  
初更欲報發鼓吹彷彿天際鳴咸招

恭和

御製夜雨元韻

是夕駐蹕東阿雨山  
按雨山即魚山之說

潤知瓊幘濕細與漏聲零入夜風初定當春雨是霧村  
容迷灑灑燈影點空冥靜對魚山宿真同清梵聽

恭和

御製曉行元韻

宿雨仍溪外晴霞復海東馬隨千澗曲雲指四山同曉  
徑垂楊綠春旗旭日紅迎 鑾知有喜先告麥秋豐

恭和

御製菜花元韻三首

籬下牆根一望稠黃如金色碧如油田家好事清明後  
臣本江南學圃流

金蝶翻飛帶宿煙不同新草綠芊綿錯疑老圃三秋景

却是春畦二月天

杏花舊葉共清芬  
滋味從來別譜分  
恍憶山莊曾扈蹕  
金蓮萬朶簇晴雲

恭和

御製駐蹕古泮池元韻

春秋未許平蠻績  
魯頌還矜獻凱功  
豈似羌戎都底定  
真看小大畢從公  
池邊芹想當年碧  
臺外旗翻今日紅  
作賦何須問延壽  
霸光不是舊時宮

恭和

御製釋奠

先師孔子禮成述專元韻

尼山禮樂備無遺穆穆音容在五絲兩度遊歌鳳麟操  
百年制作帝王師功歸繼述前光迪德薦馨香至治垂  
今日由周推道豚一堂近接見聞知

恭和

御製詩禮堂元韻

堂改殿西陲名猶著在茲異聞賢裔業新藻

聖人詩道統於今紹家風自昔垂席仍函丈近牕已寸  
陰遲尙想趨庭日長懷獨立時隨班愧牆面誦讀有餘  
思

恭和

御製謁少皞陵元韻



雲龍官並古鄒魯道先修氏紀三皇後天分五運留東  
山曾建國西皞遠垂猷石砌傳陵寢

君王曠代求

恭和

御製謁元聖祠元韻

咫尺宣林瞻廟貌 鑾輿先此薦椒芬  
風雷異代懷家相官禮千秋待

聖君當日斧斨猶事武於今干羽只敷文  
從來道法常相契不獨常勞入夢紛

恭和

御製大庭氏庫用唐李白詩韻

大庭有遺庫萬古高巖然太白此吟眺幾點齊州烟皇  
風今再賡復值熙皞天千村花柳外彷彿聞薰弦東望  
通大海遙知尊百川

恭和

御製謁

孔林酌酒元韻

入廟禋初罷臨阡奠復殷封存三版舊典重一牢文林  
露霑黃屋旌雲護紫粉禮成咨聖裔訪道益勤勤

恭和

御製過東平懷鄆州谿堂因用蘇東坡韻

谿堂渺何所蘇子生且後况復後來人荒村數行柳佳

人谿上月漾影落懷袖不見鳳臺空明燈點繁宿千秋  
幾高會逝者隨東溜韓潮竟未平指昌黎馬骨則已朽指馬  
總人生會寂寞勝蹟餘文酒點筆紀前遊行廬轉清漏

恭和

御製聞京師得雨誌喜元韻

青齊赤縣本相連膚寸雲來大地懸春晝不分牛脊雨  
晚風遍灑犬牙田花肥定浥上林露柳濕未飛蓬島綿  
遠近已沾猶厪念歸因龍見欲伸虔

恭和

御製三月三日元韻

良除值泗上勝賞薄華林正轉尼山駕還聞曲水吟薄

雲低度影新柳澹垂陰雨帶行廬濕花環綵仗深流泉  
飄細響乳燕弄芳音不負蘭臯景真看芝蓋臨浴沂風  
自治襖洛宴堪尋明到觀川處觴宜泛碧潯

恭和

御製至泉林二首元韻

千章古木排空出萬斛源泉到眼明泗水尋源春更碧  
魯山飛翠午初晴溪禽應 蹕聲聲轉林蕊開旗面面  
迎定識來遊添

睿賞披襟益暢智仁情

過牆陪尾疑飛到潑地珍珠正湧來碑紀

仁皇曾眺覽遊傳

宣聖孰趨陪烟雲通望真豪矣水竹平分亦快哉好景  
豈從圖畫得也教簪筆一徘徊

恭和

御製清明二首元韻

月紀桐華節村村新火明良辰百六日春旬十三程  
廿二日起程三月初五日清明雲影移仙仗簫聲颺嫩晴芳菲解隨  
輦的的送繁英

問俗調餠粥春遊花氣薰人傳走馬戲客檢試茶文焚  
尾杯盤錯邀頭士女欣東風能作意已過雨紛紛

恭和

御製

南郊卽事元韻

先期快雪報時晴又見

郊壇集瑞霽恰與葭灰通漠漠暗隨雲葉吐英英朝衣  
影兒撥將事燎火光融待早耕擬作慶成蘇軾句頌天  
何有罄丹誠

恭和

御製雪中視朝元韻

仙香瑞葉兩霏霏玉殿當頭正啟扉三素吉雲連曉仗  
九華晴燭晃春旗影連曙色搖珂珮寒入煙光護 袞  
衣更聽陽春天上曲曲高自古和難幾

恭和

鳴春小草

卷二

七

御製和錢陳羣田園雜興十首

詞臣自譜里中聲

帝眷田園俯和成恩到性情都感激况兼羣從又門生

臣於陳羣爲遠族姪  
又爲乙丑所取士

山居屈指信風催引領鶯花御帳開昨夜布衾應有

夢春從句裏過江來

不廢行吟拾澗柴詩篇屢奏九重來何期野外閒雲

想分得飛春玉瑄灰

辛苦詩成更作勞南榮捫虱手頻搔草堂忽接天邊字

快過綏山百顆桃

自引春泉灌稻畦太平時節土膏肥雞豚誇向隣翁社

有子扶藜屨 蹕歸

東臯步履未曾遲 日日柴門望翠微  
七十過頭真老健 還先鸞鷺渡江飛

春盤生菜愜輕寒 亦有茵陳補食單  
舊債年來應漸少 天恩特放酒杯寬

歲費公家二萬錢 放翁舊事說當年  
誰知五載駕湖外 絕勝山陰養菊天

陸游九月湖中放舟詩菊花天氣近新霜自注云予自庚寅至辛丑始見

九日於故山

葵藿由來向日低 敢云天外作鴻飛  
今朝輦路思歸路 隄柳生枝又幾圍

野味從今薄晚菘 天教優老飫醇醲  
只應更譜含餽曲



化日和風款款供

恭和

御製正月五日雪元韻

喜從臘後又均霽靜夜無聲細細添未惜竹梢能掃砌  
劇憐梅影解窺檐暖回黍谷難成絮冷浸瑤階不是嶸  
試卜春來仍六出五枝莫上一爲拈

恭和

御製恭奉

皇太后南巡啟蹕京師疊辛未舊作元韻

啟蹕先期已祀辛東南膏雨慰羣倫六年考制仍周典  
兩度來遊實夏巡乾健果符強不息異孚欣見

命重申稍遲  
鸞馭原因歲再整  
峴旌總爲民

帝里鶯花迎  
輦發江鄉風物待  
詩陳灑途早遍三朝  
雪到眼將過一月春花簇

安輿紅欲綻  
柳飄行幄綠纔新  
常陪豹尾親雲日好聽  
隨車送喜頻

恭和

御製駐蹕良鄉行宮作元韻

神京咫尺似華胥  
化澤先覃信有諸  
燕土行春停蹕  
始吳民望日計程  
初雲猶北闕三霄  
近煙是西山一角  
餘歲歲

省方先過此勤民  
那復得安居

恭和

御製漢昭烈廟元韻

紛紛禪讓說宗堯曹魏先開司馬昭豈識高皇大風賦  
還餘蜀主臥龍謠英雄有恨將遷許開濟無成竟失蕭  
千古樓桑遺廟在風雲不隔永安遙

恭和

御製涿鹿行再疊舊韻

崑崙太古涿鹿城塵飛不斷征車行何年妖霧吐虐毒  
軒皇一戰天清明百年休養家溫飽九州馳貢關門好  
但看井邑日殷繁無復閭閻事儂巧莽曾何物今蚩尤  
反覆遠恃山林稠專車之骨且遠致形天操戚焉能留

鸞邊駐此紆

膚策坐見大漠全軍收坐見大漠全軍收竹書再爲平  
番修

恭和

御製趙北口行宮三首

行宮臨廣淀冰泮已含青桂楫何須擊松軒此暫停試  
燈風乍過插柳節將經佳夕歌遊豫鸞簫比戶聽

鱗色開遙浦高樓試一憑春隨淀水濶寒臙渚煙凝岬  
草痕將醒溪禽意自矜村民歡勝節未夕有漁燈  
一宵預勝賞樂事萬民俱

王母怡顏曲天仙獻壽圖芳筵開撒荔雅樂奏依蒲授

簡羣工在賡麗道有虞

恭和

御製上元前夕趙北口行宮侍

皇太后觀燈卽席得句元韻

瑤島天開一鏡收上元佳節賞應稱碧桃解結三千菓  
絳節原居十二樓華渚流虹祥復現明湖湧月景常留  
芳筵永夕承

慈豫玉漏無勞報曉籌

恭和

御製上元節賜隨營諸臣食元韻

元宵

錫宴早停鑾翠管銀罌出大官日射和門開寶幄香薰  
文几列珍槃舞成山海行俱肅詩奏明光韻未安卜畫  
便繁歌既飽銀燈還許夜來看

恭和

御製徒駭河元韻

民可樂成難慮始非常之原衆所駭赤文綠字天上書  
持示蚩蚩誰得解龍門一闢尾閭洩九河之播智尤在  
如何齊呂闕八流并入茲河歸渤海許商上書越千年  
遺蹟雖存半疑殆河歸故道誰復能慮切

宸衷詎輕解勤民先後同一轍

親巡相度勞無乃

恭和

御製雪三首

繡陌緩鈿車花先樹樹加舞低官道壅飛急馬蹄斜世  
界真成玉恒河莫算沙豐年頻送喜萬彙暗萌芽

臨風原皎皎際晚益漫漫影靜飄煙銚聲疎灑食單瑞  
應儕白璧豔直想鶯鸞轉厖無衣念旌門立馬看

同雲連舊臘占歲未嫌多拂袖寒猶慄鋪塍氣已和全  
埋烟九點待放水盈科禹甸

恩波溢敷天慶若何

恭和

御製駐蹕方山元韻

水經曾指玉爲符芝蓋凌風卽宴娛白露零甘通輿域  
黃龍噓氣播神區泉分六派何多也勝比三州亦諒乎  
一自璇題懸日月長教林壑重興圖

恭和

御製靈巖寺元韻

持秦老寺隱巖扁釋朗當年此育靈結宇連綿趨泰岱  
啟扉窈窕見云亭松風十里秋濤起鶴影孤翻雪乳滄  
供頓不煩行殿樸一輪慧日現全形

恭和

御製靈巖寺西入石路用唐劉長卿韻二首

紺宇初融雪雲根欲潤苔嵐光隨路轉草色向春回汎



掃紅塵遠飛翔紫鶴來昔人曾過訪勝境得重開  
蝕土殘碑伏干霄古鬣栽佛圖有遺跡溪上識浮杯

夾道多珍木沿流盡碧苔遠峰天外倚清籟壑中  
回乍見春雲藹還遲社燕來雲車隨 蹕護羽葆向晴開詩

頌

天顏喜花看 輦路栽山霧呼萬歲長願進霞杯

恭和

御製過泰山再依

皇祖元韻二首

岱宗自古稱雄峙遙睇層雲接馬頭曉哢禽聲從谷應  
春敷樹色際天浮燔柴典禮隆當代放眼輿圖壯此州

問俗省方因纘

祖恩波齊魯總長留

洞天翹首真高絕日觀峰居最上頭玉鐙金鞭王路坦  
秦松漢栢翠濤浮茅君傳記三千里李白詩稱百二州  
日暖花宮興衛肅爐香裊處萬神留

恭和

御製至泉林二首疊舊作韻

舊傳宣聖觀川處終古泉源似鏡明潤積地靈滋古樹  
澤通雲氣送新晴旌旗仍喜行春至花鳥還同隔歲迎  
水木清華邀

睿賞憑軒一一八吟情

泉從林下泚泚出峰向將頭得得來  
曲榭鏡瀾增窈窕遠陂煙柳助追陪  
樹猶若此春深矣逝者如斯歲永哉  
猶憶去年簪筆處名區承

命許徘徊

鳴春小草卷之三

武進錢維城稼軒著

子中銑

中鉅

恭和

御製再依

皇祖示江南大小諸吏元韻

綸紱與以申往復如巡擷嘗恐民或傷墳典義同剖  
仁皇南幸時歲月忽已久當年童稚者霜雪今盈首其  
間百爾臣豈乏衆人母熙熙戴堯天澤澤終舜畝但予  
民力寬報最何先後惟氓固蚩蚩所親乃牧守教養次

第施力田知孝友俗聞魯頌聲人祝幽風壽拊循兩漢  
如國典慎莫負

恭和

御製度永濟橋作歌

危在梁石不數步略行緣溪通尺水朔南孔道車馬衝  
千人邪許彩虹起上通行旅下漕船急湍奔峭誰正視  
一朝沙平河水去簇簇輪蹄走河裏人生孰不樂坦夷  
顧此陸地偶然爾冬非棄葛夏棄裘寧徇目前云可毀  
聖人爲政如砥平智周萬物無不理得樽五石壺千金  
過涉皆然太無恃黃梅時雨河復盈往來如故忘所以

恭和

御製復降旨加賑江南被災州縣詩以示總督尹繼善  
及地方大小諸吏元韻

皇仁極無外薄海久漸暨東南游災餘解澤施次第歲  
有歌來游民瘼

帝心繫轡諸日月明不遺容照地賑貸既頻加衣食爲  
區置所以 翠華臨泥首曰萬輩由來民憂樂曰惟守  
令政整率在方面郵傳走星騎要以疾苦聞長令煦媪  
至暇滋庶同霑老穉亦均逮不獲尚一夫齊拜

天子賜殿庶稱江南尤宜慎撫字目擊厯

宸衷作詩示羣吏

恭和

御製草色元韻

到處

宸游渥澤添平原一碧映帷幃馬騎藉毯嘶煙翠蝶倦  
栖茵壓露尖陌上暖薰春女展天涯芳禩酒家帘東君  
繡徧江南岸承 輦光風早晚恬

恭和

御製柳三首元韻

長虹影亘綠雲邊隔水人家欲禁煙萬縷千條迎 法  
駕嫩黃金色映珊瑚

水村圖畫指遙程斜日江南粉本精小雨杏花低映處  
紅欄迢遞望縱橫

雙燕差池掃綠蕪送迎長自管通都一般陌上絲絲影  
解拂旌旗景自殊

恭和

御製閩中河元韻

桐栢本流長崑崙一派黃濬川成利濟繩  
武自餘慶陂岸防秋汛通漕轉歲糧

神功侔夏后奕世敢紛張

恭和

御製淨慈寺瞻禮元韻

鑾輿肅穆凌晨啟梵宇莊嚴拂曉開爲報  
慈恩參法座卽看



宸翰耀經臺南峰雨過翠陰合上界風微清磬來自是  
三千同壽域歡心祝嘏頌欽哉

恭和

御製上天竺元韻

竹徑因峰轉花宮抱石成飛流含細韻深谷愜幽情

睿藻凌雲發祥光傍輦生遙知春似海歸路馬蹄輕

恭和

御製表忠觀元韻

湖邊家廟古

天筆表臣忠信有千家感嘉茲一世雄雲祇江左右祠  
宇浙西東瞻拜承

恩命惟應愧祖風

恭和

御製遊金山寺再疊蘇東坡韻

天風吹江江奔騰撼起潮雞叫東海碎山磴谷走百靈  
中流獨見一拳在一拳帆立青陂陶琳宮高壓天吳波  
四圍雲物六朝外半隴煙樹南徐多點點飛帆往來楫  
晴宵掠月朝探日一雨淨洗玻璃空殘霞散作瑪瑙赤  
到來自覺清心魄諸天不隔藤蘿黑浮圖頂上七燈明  
龍象馱伏蛟鼉驚安得金仙締相識非鏡非臺無一物  
祇今仙蹕駐茲山山花解笑石不頑旛影石幢飄未  
已鐘聲漸落中冷水

恭和

御製自金山放船至焦山再疊蘇東坡韻

海門雲樹遙耽耽  
滄茫大氣函東南  
焦先一嶺配浮玉  
當年開徑無三三  
峽崖鑿丁古蘭若  
迴盤磴道疑魚鱗  
華陽真逸此痊鶴  
書比逸少曾無慚  
遣碑欲訪水方漲  
迅瀆但俯蛟螭潭  
是時東風來浩蕩  
江天萬象浮春酣  
岩花爛熳豔鴛鴦  
錦林烏格磔踰雞  
談蘭椒竹嶼互出  
沒煙霞忽起當松  
龕剪疏不減伊蒲  
供淪茗仍試銅瓶  
甘何處鳴榔聲  
閣閣浮家生計原  
非貪山情水態兩  
奇勝欲賦祇恐才  
難堪一痕北固逗  
空翠又隨仙仗移  
雲

菴

恭和

御製甘露寺北軒用杜牧韻

名藍猶記舊經行高棟層軒洽

睿情遠岫橫牕開畫障流瀧繞檻和瓶笙煙光應入吳  
都賦梵唄猶傳晉代聲一自

宸章採遺韻人間轉重紫微名

恭和

御製登城霞閣二首元韻

傑閣雲陽道牕開俯廣衢晴光融景慶膏雨軫辛劬城  
迴標疑建霞明綺可圍煙巒通北固水驛引南吳芳遞  
鶯花信歡聞父老呼綠楊隄畔路三宿又姑蘇

層梯凌月宇四照切霄衢一帶水田繞經春民事劬額  
留元宰蹟景軼上河圖分野星占斗連江曉入吳露花  
穠欲語沙鳥近相呼極目舒清眺東風萬象蘇

恭和

御製過常州府城八韻

花明四陵路日動五雲駒里巷尋常地旌幢絡繹趨民  
家多傍水地勢恰中吳笠澤波何遠嘉山秀可臚採風  
猶渾樸踐土本芳腴行聽漁歌起居無犬吠虞惟和人  
解阜咸若物昭蘇父老渾相識都歸擊壤圖

恭和

御製跋馬過常州至熾舟亭進舟因成是首元韻

孤亭枕水湄曾艤髯蘇艇淨流環其下洒然得幽境一  
坳洗研池墨浪澹以靜眉山千餘年芳躅此重省疎籬  
亞高花虛牖納清景

時巡又六年精舍承

初幸臺榭安足云竹石差中肯留題表前賢流芳還示  
警文忠昔作郡爲政治寬猛勝地以人傳聲華誰共永  
磨碑勒

天章千春照波影

恭和

御製遊寄暢園題元韻

望中煙樹拂高鴻樹裏芳園仄徑通位置不踰十畝外

巖嵐如在萬山中，路經頻到行難辨。景以能奇畫未工，徒倚虛亭看飛瀑。分明幔卷翠微宮。

恭和

御製聽松菴竹爐煎茶元韻二首

汲取山中第二泉，曲池重試竹爐煎。分來活火清明後，焙得新旗穀雨前。開士風流比鴻漸，山人墨妙抵龍眠。畫中茶具茶邊畫，清事都於勝地全。

瑞應天教出醴泉，雲龕月潤和新煎。早排竹鼎紅欄外，細寫花磁玉案前。聲作松風迴五粒，煙浮柳市冒三眠。涵濡更有金莖露，欲笑醍醐味不全。

恭和

御製汲惠泉烹竹爐歌疊舊作韻

六時清梵遙空聞九龍秀色虛嶺分中有一泉最甘冽  
贊皇品第幾空羣瀏其出山有真脉湛然見底無纖塵  
懸崖旁帶窈窕勢雜樹倒影連漪文銀瓶汲來宜茗飲  
紫茸綠雪羅春芬松間精舍闢清迴性海竹爐猶具陳  
湯社風流本不俗露兒情好古所敦石銚待翻雪乳腳  
活火先熾筠籠薪青旗此日荷重

幸雨花歡喜垂續紛偶然物外寄靜賞知仁之樂寧徒  
云茶具已踰魯望上水法何藉君謨權地靈蹟古

聖則鑒遂令盛事千秋存一泓倍覺青瑤淨三足長喜

明珩新矧今



齋圖際累洽玉柴丹甌並効珍玉柴丹甌並効珍紀瑞  
合付簪臺人

恭和

御製登最高峰望江放歌元韻

目不睹蚤睫之爲巢耳不聞蟻穴之相關明聰豈有盡  
大小易以固

帝爲民勞登峰之高大江南北天符地苞壯哉三吳海  
門送潮晉宋何年楚越幾里玉樹花亂飛金陵瓦忽圯  
於此觀禹功明德蓋遠矣飄乎天風波濤在胸似聞雷  
鳴遠音鬱鬱江靈帖妥仰瞰六龍穆然

帝座之上洞乎民函之中山川佳麗付一曠

天語處處咨桑農

恭和

御製駐蹕江寧作元韻

帝典時巡徧九區春江一道畫屏紆雲縈澤國留清  
蹕風送樓船接下都建業山川元壯麗鍾陵草木盡昭  
蘇衢歌巷舞昇平地簇簇重瞻天日俱

恭和

御製泛舟後湖攬古元韻

翠旗春明臨北湖遶湖嫩綠搖菰蒲日光下澈雲錦爛  
舟行攬古爲歡娛往昔黑龍見湖上宋齊水閣陳千艘  
鍾山盤亘眼中望不與廬岳形模殊此時

天心想獨契，憺暉玩景懷。良圖藏冊密，禁給事罷賜湖。  
清賞漁人俱太平，休美百物適。御舟所在忘羣鳧。

恭和

御製秦淮歌元韻

金陵上抱龍虎氣，華山廬山流。合埭清源三百餘里長，  
赭衣斷地自秦世。六朝佳麗溯秦淮，橫塘一去澄空隈。  
樓館排雲復照水，廢興人事非。天災笛步多憶中郎跡，  
桃渡何知大令宅。烏衣巷失風尚存，朱雀航空水仍碧。  
自從行密據秣陵，跨城水上水逕城夾岸繁華競。日夜  
千年歌舞傳遺聲，於今舊俗盡揮擲。丁男力田女勤織，  
御舟今年淮水過重爲蒼生。計衣食廣張正雅祛俳娼。

盡勑淳厚戒薄涼

至尊自有觀華意此水珠圓更玉方

恭和

御製賦得鴻漸于陸得時字元韻

鴻漸從廖廓凌虛玩繁辭雲垂達有象志潔羽爲儀高  
柳纔過處窮秋欲去時江空風在下天近日相隨磐石  
於何所平柯或得其九臯聲互答再舉弋安施影淡臨  
湘失霜清薄漢知上林歸路好珍重稻梁思

恭和

御製題雞鳴山元韻

飛飛雞鳴山平向湖溝時齊皇射雉早來聽雞鳴始西

上如雞籠山形恰肖似固知山無名象得理可揣若以  
指事名事過何取此竟陵王子良四學意何旨伏雷坐  
講堂傾耳聽名理當時山中人往往尙根底千年

聖皇臨山色清如洗

恭和

御製石城歌元韻

虎踞北風鬪風利當時孫吳欲爭帝氣雄勢險山爲城  
城下臨池江所出由來地利英雄爭英雄去後空榛荆  
孫興不使伯符死吳沼坐令元凱生鬱葱佳氣來重熾  
他年百雉闐壯善烽火臺雲自逐風清涼寺竹徒過眼  
流湯湯思宛宛六季承承未獲免美哉守德慕之爭一

任滄波撼朝晚

恭和

御製江寧廻蹕駐樓霞作元韻

江端隱隱轉霓旌爲樹棲霞一豫情無量佛來紆曲蓋  
攝生草長繞前營岳飛白乳留天酌河正金繩趣  
帝程回首登厓最高處春晴雨足恰宜晴

恭和

御製泛舟長江夕景元韻

暮雲淨掃天無風嵯峨浮玉凌當空南焦北固氣正紫  
天光吞吐波濤中眼前彌望無不可六龍櫂鼓中流坐  
會須堯玉記優游直見禹舟靜澹沍遠渚白鷺名獨春

月  
飛飛斜上倒影紅物忘波正自得所萬吹一與天機同  
浩浩大江日夜轉我

皇清娛興非淺江南江北春無邊此夕依微都可辨

恭和

御製遊攝山棲霞寺元韻六首

攝山峙琅琊峩峩此其冠似織懸晴空悠然起清羨計  
丈百三十兀突撐霄漢上跨千佛巖鬢露兩邕琳宮  
隱翠微名勝可靜按到此神自閒飄飄忘物戀大江流  
天外練影入經院白日湧龍壘縱目森偉觀圖畫開天  
然化工匪易辨

剝落青赤碑歷劫烟霞徑磅礴妙縱橫鬱律益奇正美

哉明德遠維誦肅焉敬瑤草何茸茸採之以益性僊  
道者流服食期頤慶根緣仙雨滋洗以珠泉勝環岩皆  
生意承 輦解迎

聖幾餘試登眺山房聊一凭謾謾滿林風天籟徹清聽  
古賢去已遠遺迹在獨石四山觸飛霞高阜捉峇峇明  
生有令子鑿石幾百尺凸驚山骨撐豁若厚地圻松竹  
交其厓盤礴似張帘更聞二石佛衣褶皺絕壁頗疑愷  
之畫落想過百億旁有白乳泉泠泠酌游客天然幽曠  
外六御此焉息從此崑上水吐內九地脉

行宮峙中峰泉水號白鹿喬雲護靈竇滋液出滲漉其  
初天漿藏至寶在厓谷九龍走石罅一脉自洄狀須臾



噴階砌冷冽送飛瀑捧持薦玉壺奔走先宮僕偉哉至  
孝備巡行名諸福山靈永呵守清韻奏簫筑

巖巖最高峰迥出衆山上烈風來無時極目發清賞回  
首眺大江雲樹入蒼滌

宸遊俯八極天心見浩蕩東流去不息雲氣與俱往時  
聞天外音勢挾飛濤響龍光近霄漢親切偏星象奇景  
已畢收何必凌雲想

名山鎮大邦古帝所有事誰云非五嶽巡省可愒置所  
以

聖人心不忘爾來暨遂令春雨橋得渡七驕騎回思僧  
紹流石隱甘製芟豈意數千年翠華臨此際小臣謬

簪筆

命圖荷殊異馳騎寫嘉陵拙劣非其儷况復廢

天章目眩日月麗

恭和

御製渡黃河元韻

底定洪流

睿略昭長川二月御蘭橈河宗授簡思前古屏翳收風  
及此朝日射牙檣淩淼淼雲移畫艇渡招招榮光暖燭  
崑崙水刻玉真應比帝堯

恭和

御製惠濟寺元韻

高林廟貌鬱嵯峨典祀千秋鎮巨河門接颶檣淮客艇  
祠喧簫鼓楚巫歌從來保障神功著此日懷柔  
德意多彷彿靈光通肸蠁祠紫焰正嘘呵

恭和

御製洪澤湖恭依

皇祖詩韻

萬頃玻璃浸碧虛東風錦纜度徐徐春光暖處春流濶  
兩岸蘆芽尺半魚

恭和

御製闕淮安石隄詩以紀事元韻

聖主廬民煥

神策奠江海石隄捍驚濤崢嶸勢百倍天吳或偶軼砥  
柱終不改憶昔

仁皇帝籌民慮億載小補陋舉菱遠跡繼乘橈長此鎖  
支祈不待詢宛委水坊築登登原田長每每翠華前  
度來善繼得模楷束以龍門固防茲蠟漏殆連歲藉順  
成水庸祀農罷強教復悅安民謠頌悌愷大矣平成功  
永無昏墊駭

恭和

御製車邏渠元韻

淮水與岷江東流各趨海溝通自夫差奔突時遷改三  
十六湖間岌岌勢屢殆久雨川流漲怒濤高倏倍橫溢

當前年沙痕今尚在

聖主念民生臨朝爲晏罷馮夷勢久馴陽侯禍隨悔地  
已奠高下民還蒙澤愷彫瘵喜盡蘇巡省猶無懈

親紆翠輦行更慮金隄潰臣聞古彛訓營室中建亥土  
功于以興陂障無震駭況今經

睿略非徒委守宰王道正百川安流自澆澆南服永無  
虞西成佇可待應有稼如雲周詩歌拜乃

恭和

御製疊舊作韻賜沈德潛

禁臣夙直玉堂春 翠輦南來就日親名德尚無慙國

老

恩光豈祇重詞人承明往事應餘戀田舍餘情許盡陳  
風日衡門增麗處  
宸章幾度映松筠

恭和

御製天寧寺元韻

城隅古寺聳觚稜上擁烟霞接秣陵空際天香聞細細  
江干山色見層層蘇公堂在人誰繼何遜梅開賦未能  
恩許望雲歸故里花宮未得一遐憑

恭和

御製天寧寺行宮作元韻

邗水接江涯離宮映日華威儀黎庶覲風土

聖心嘉地蔭招提樹春開楚澤花臣居烟水近轉自憶  
風義

恭和

御製雨中遊平山堂元韻

高堂南瞰對江洲元祐賢人此舊遊自品名泉還憶蜀  
每經宦跡半隨歐濛濛風雨連天遠漠漠雲烟入望浮  
莫詫龍蛇飛動句

宸章象外更冥搜

恭和

御製塔灣行宮恭依

皇祖詩韻

春滿揚州駐翠華  
履頌

恩澤聽宣麻雲隨輦路  
歡三楚樹擁宮牆帶萬家  
傍水邨廬烟欲暝  
早耕時節杏初花  
陽和觸目占豐稔  
應有甌窶慰望奢

恭和

御製高旻寺元韻

言辨江上路隨蹕入高旻淨愛蓮花地深參貝葉文  
雲中孤塔聳烟際曉鐘聞更喜龍香翰平添蘆蔔芬

恭和

御製聞京師二月初七日得雨誌喜元韻

協風吹春郊保介戒釐爾錢鑄事將興倉庾亦鳴矣靈



雨其載零仰瓦象可揣夜聽雜江聲瀟瀟鳴不已清曉  
望吳山蒼淥淨如此兼聞驛騎來京師霖亦美雨若紀  
庶徵靈應見諸是南北千里遙同需利于耜永知  
聖人德載歌田峻喜

恭和

御製自瓜州放舟至金山元韻

御舟將渡指吳邦瓜步風輕送綵艫春浪魚龍通萬里  
中流簫鼓動三江愛看孤嶼凌波秀忽聽寒鐘隔樹樅  
更領雲天空濶意振衣千仞對僧牕

恭和

御製登金山塔頂疊舊作元韻

浮圖矗起插雲尖，瀛海岷江勝概兼。  
鶴聲多雲路濶，魚龍氣靜浪花恬。  
登高真覺烟霄近，灑翰逾令氣象添。  
咫尺悠然窮萬里，化機妙向句中拈。

恭和

御製金山疊舊作元韻二首

羣峰接海遠，浮青水態雲光日異形。  
二月風光經御轡，千秋榮遇到山靈。  
鐘聞兩岸聲徐度，泉品中泠蹕蹕停。  
尤愛天香飄不盡，禪房花氣曙冥冥。

閣中地勢收全楚，寺外春江拍遠天。  
巨浪翻龍凌鐵甕，空山籠象奉金仙。  
迹留寶帶懷先詰，光賁華芝似往年。  
此去

恩光行處被吳根越角境相連

恭和

御製復聞京師得雨元韻

青郊雨應期如不爽銖寸時當發生候大澤無涯分允  
符卅六占其漫千里潤好風與俱來作意催麥信封章  
再馳告勝彼瑞圖進

至尊頒解頤箕畢悅自近千耦發春犁厥壤咸理遜鸞  
旂方省耕行慶豫以順所過膏露滋俯愜蒲杏願萬方  
同擊壤仰答

天心繼

恭和

御製惠居寺八韻

梵宇嘉名在 軒游仰舊曾  
星雲留淨域 粥鼓演眞乘  
地迴排空出 岡迴躡薛登  
無塵惟定慧 有象總鮮澄  
花影香臺座 茶烟竹院僧  
悠然見北固 何處訪南能  
春共鸞旂到 輝從鷲嶺增  
諸天渾不遠 靜裏喚宜應

恭和

御製姑蘇啟蹕元韻

嵩呼願請

聖人留信宿 春程報水郵  
香繞花洲紅 映棹風吹麥  
候翠盈眸

恩霑鳩杖扶 雲輦歡動菱歌  
入曉籌早爲鬢河紆

睿慮遙占五老夜深遊

恭和

御製遊樓霞山元韻

碧染濃螺雨後山秣陵風物曉春前長松落落蔭岩寺  
叢竹陰陰飛瀑泉面壁高蹤傳法相臥苔古碣識名賢  
試茶亭外供清眺極目江天景豁然

恭和

御製春雨山房元韻

好雨送林香新泉添茗酌當牕橫螺黛萬縷生烟濯冷  
冷風度簷灑灑雲垂幕如膏沃芳甸眺覽田家樂山房  
愜清娛緘埃何處著

恭和

御製駐蹕棲霞行宮元韻

行殿開層繖明霞迴處棲迎幢千佛現承輦百花齊  
綺旭臨珠綴霏煙繭玉燭當階奠月上鑿色晚來霞  
竹徑巖層出雲居閣半藏泉流飄玉母禽語韻金琅好  
雨三春足幽花百斛強宵衣歷民事遊漏點當當

恭和

御製若冰洞元韻

乳竇噴新泉小池迸寒此天風颯然來茲境清到此何  
如貯玉壺一幃琉璃甃泠泠激溜聲宮商徹焦尾洞口  
誰結茅磴道盤邇倚朗鑿淵其淵澄觀止則止方春含

凍纈嵌空悟太始若冰本非冰恍遇始射子

恭和

御製聽雪閣元韻

海客昔援琴妙指誇成連移情山水際心曠境則閒懸  
巖挂飛流噴礪來九天銀海爛生纈入耳冷泠然剪取  
匡廬雲逸興遙寄焉藐姑古冰雪遭時獨高眼宦光好  
事者芳躅何爲傳

宸懷倦邁軸惜彼叢桂篇

恭和

御製題漪瀾堂元韻

泉過清明一例新小園初試汲漪淪嵐光掩映疑添黛

竹翠交加欲染筠波殺翻時牽苜帶雲簷垂處倒缸紳  
當年短李談經地幾許山橋問字人

恭和

御製遊獅子林元韻

青山何偃蹇有若中林士怪底岩壑竒屹焉入闔市狻  
猊舊得名擅勝良久矣位置傳雲林匠心技至此暢以  
潑墨趣渾然去雕飾蕭蕭平林槭磊磊白石齒當其天  
機幻萬里在一咫顧此十笏地巧作佳山水結構將毋  
同灌叢無虛掎盤空幽以竒拾級行且止彷彿小有天  
懸崖垂石髓鵝溪一幅絹如玉未鑄毀烟雲漬舊痕池  
亭儼餘址何幸登石渠珍並琳琅紫來遊仰



宸藻歷歷標畫旨繪圖勉承

命前師謝倪子

恭和

御製紫陽書院元韻

士爲四民首董戒先宅俊講堂啓吳曾顧名義則慎立志良獨難漫爾稱慕藺紫陽得薪傳元音嗣聲振宮牆去尺咫六籍皆至訓因文見道心豈徒消鄙吝土風誌嘉美况藉師友分各思越畔箴共戒操戈爨浮華或未指一簣虧九仞峩峩文學侍濟濟諸生進

天章樂育深敬式陶甄運

恭和

御製萬松山房元韻

踈風謾謾滿巖房  
螺髻當窗滴翠光  
小泛濤聲山過雨  
平收雲氣牖生涼  
階前碧色滋仙草  
天外青疇擢早芒  
更有餘情供坐眺  
崖開疊浪照初暘

恭和

御製觀蘇城閭閻之盛不減昔年  
旣以慰懷兼成是什  
元韻

墟枯回朽賴元功  
旋起溝中慶屢豐  
買犢買牛安素業  
已饑已弱仰

淵衷塗泥漫說田  
居下膏沃依然畝  
自東從此通波亭  
畔水萬年沾漑

渥恩同

恭和

御製支硎山元韻

丹巖翠嶽帶紅泉舊隱支公記往年  
櫪馬何人能證法齋鐘幾輩復栖禪  
吳雲蒼莽危樓外蜀嶧連綿飛鳥邊  
今日玉輿蒙再幸山花承輦亦欣然

恭和

御製飛魚峽元韻

峽訝銀河瀉遊宜束炬然幾尋長噴玉  
一線自穿天廬阜應同勝桃源想得仙  
曝髮與黥額至竟覺誰賢

恭和

御製寒山千尺雪疊舊作元韻

高人自古例愛山難得有山兼有泉支硎一支接光福  
中有素練飛遙源昔日

宸遊今再至兼尋源脉探真詮宦光隱處冷殘砌依舊  
崖際銀虹綠髣髴羅浮來鐵橋依稀處阜停玉淵青瑤  
亂迸碧玉碎鼎簾天半垂層巒謝家有筆賦不得六花  
長此堆瓊田跳珠三疊洪百步持比千尺然不然况邀  
睿賞價增倍天漿溶漾紅雲間

恭和

御製聽雪閣疊前韻元韻

瓊瑰曼林中竽瑟調澗底觀空斷聞根喧寂同到耳千

鳴春小草

卷三

三

尺擲寒山茲閣借其美偶坐覺鏘然觸石鳴不止  
聖性聲聞超靜聽參法喜下方滙成潭上界滴方始無  
盡在一源淙琤何窮已

恭和

御製遊華山元韻

華山如蓮華瓣瓣空色映蟠螭附支隴天池穿仄逕名  
僧曾習隱逸客繼轡性山根羅長松石勢走遐亘山半  
敞花宮金碧巖坳迸何人說三車一爲窮上乘試登絕  
頂望雲梯迴堪凭層層玉筍排朶朶瑤簪競具區瀉如  
杯縹緲寄高興傳聞有靈藥葳蕤藏絕磴服之能翀舉  
其色兜羅淨異蹟何足論所欣泣

至聖山因 奎藻靈嵩華應同敬

恭和

御製復聞京師得雨誌喜元韻

南方春雨多霑足非異聞  
北地春雨少地力苦不均  
吾皇春省切 鳳蹕舉時巡  
一心繫南北眷此于耜辰  
天心呼吸通降澤蘇吾民  
薊北類荆揚霑膏遍深仁  
有誠默感觸天澤自頻頻

宸章麗雲漢不待太史陳

恭和

御製拈花寺元韻

積翠旁連巖鍾吾背結字  
簪帽倚肩如苧篷拾芥許是

則名拈花諸天灑花雨遙知命名意迦葉義有取若使  
維摩來便作散花所

聖人偶探幽援筆天葩吐憑弔想種蠡眺覽極商魯彷彿  
花重拈公案定堪補秦餘峰可挹越來溪自語坐對  
有團蒲風旛半空舉

恭和

御製鄧尉山恭瞻

皇祖題額松風水月四字各得八句以題爲韻

松

冷翠寒香裏相連是古松雪霜雖密密蒼潤自重重鹿  
角麟分色檀心斂借濃由來世外賞獨契

至人胸

風

誰通香色界芳信有東風慣颭柔枝碧能催小萼紅孤  
山輕颯沓庾嶺暗沖融爲問蘭臺賦何如道訪峒

水

寒枝宜出籬疎影還臨水凌波綽約人照影嬋媛子彷彿  
漢珠邊分明湘竹裏空色難強名撫景證深旨

月

愛此姑射姿恰對廣寒月澂輝互玲瓏素影兩超越風  
飄引清夢露濯標瘦骨

天筆指月如萬川印不歇



恭和

御製鄧尉香雪海歌邊舊作元韻

鄧尉郁侯非故吾，惟有山色長如初。  
支峰別隴梅萬樹，以配雲海寧云誣。  
錢家礪旁疎葺，吾家嶺上苔枝舒。  
西溪河渚幾百本，對此狹小慙規模。吾

皇昔遊未遍，訪重臨二月韶光紆。  
輕嵐羃歷開土宅，名徑窈窕樵人途。  
繁蕤亂蕊照晴昊，冰魂恍惚羅浮趨。  
催開羌笛宛轉裏，欲落畫角昏黃餘。  
海山仙人冉冉出，練裳縞袂相嬉娛。  
十洲縹緲瀉五湖，蓬壺圓嶠景不殊。  
閭浮界中靈海輸，一漚變現曾奚需。  
白波偏擬山偃蹇，雪海卽是林扶疎。  
山海互易幻相別，不數和靖山名孤。方

今

聖世波不揚永靖海若兼天吳永靖海若兼天吳空山  
嚼蕊安潛夫

恭和

御製遊天平山十六韻

拔地天平獨羣山拱揖朝雲腴渟白澗雪瀑濺丹青石  
筍林林立螺青面面招風香攢碧瓦梵響應靈湖 警  
蹕曩曾駐靈竒此更饒

重臨停鳳輦勝景敞獅窠嵐翠磬頭重湖光練影搖巖  
迴蹊帶木池漲步容橋仄磴峰腰轉閒亭嶺腹標園居  
依水石祠屋傍蕭寥田義名俱永碑豐字未消

仁皇曾夙駕秩祀薦芳椒銀榜排鸞篆雲章賁鶴嶠

聖

祖御書額曰濟時良相

褒賢仍舊典選勝豈虛謠一暢登臨趣還

思信宿要

宸旂似甘雨山骨潤枯焦

恭和

御製再遊寒山別墅元韻

拾得有問答此亦名寒山吾

皇愛靜境再駕探雲烟纔辭萬笏竒千尺仍當前一嶺

微逕複石齒何盤盤凡夫舊隱處玉巒還憩焉巉巉

倚瘦石宛宛圍羣巒淙琤戛環玦淅瀝傾瀾湍盤山與

西苑約略同飛泉碧葉坼書帶紅英放山丹緬想幼于

輩張鳳翼字幼于趙鹿光之友招尋每欣然百年剩遺迹翰墨疑神

仙何如

天藻麗虹貫蒼厓間

恭和

御製法螺寺元韻

楞伽寺西去一寺盤螺徑峰若螺紋旋一重一掩映湖  
光漫山靄林翠怡鳥性有時仙梵流虛籟浮遼窈亭亭  
出烟鬢杳杳動石鏡

睿賞留品題名藍益增勝遙挹諸峰青孰堪在季孟

恭和

御製初遊石湖元韻

迤邐行旌趁曉晴石湖恰似鑑湖清白沙翠竹望不極  
浴鷺眠鷗如有情隱隱鐘魚雲外答熙熙父老岸旁迎  
范家別墅今誰在猶見澄波鏡面平

恭和

御製觀打魚歌元韻

山樵水漁各有業習慣由來無勇怯翩然一舸便爲家  
踏浪緣流心所悅千絲結網彌周遭得雋恣看銀鱗跳  
凶郎舉手相告語撇波已度萬頃遙大魚跋浪如可卽  
小魚潑刺不足惜量魚論石不論秤此事獨擅江南北  
天心愛物意在斯臨觀有

詔亟止之從茲於物歌在藻敢諫那用煩臧僖

恭和

御製虎邱寺再和東坡韻

山形如一拳寺在最高嶺上有千花塔下臨百丈井梅  
檀妙香觸水月定光耿法螺一以鳴點頭到蟲龜爽於  
眼洗膜鍊若金出礦始知龍象力覺悟太精猛詎同講  
論師三車辨徒騁俯仰可中竒懷古寄淒哽春晴此登  
眺烟村渺萬頃新柳雨餘繁修竹池上冷吳城十萬家  
風日自清永彷彿登春臺繪出太平景迴首古劍池一  
碧浸雲影

宸翰留新篇奚待山僧請

恭和

御製山塘策馬元韻

斟酌橋頭試馬歸  
玉鞭柳下且停揮  
山青半在煙中染  
水綠偏於雨後肥  
藹藹連村齊荷未  
依依深巷聽鳴雞  
三吳舊俗還淳樸  
歌舞年來已覺稀